

Sabeda, 11 de november 2017

15:00 – 16:30 **Unziun dai amarés** (por düc chi se dejidreia le sacramont)
con le Vesco Ivo Muser te dilija a Corvara.

S'arjigné ca al Bato: l'Uniun dles Eres Catoliches dal decanat envieia düc i geniturs co á na creatöra da bacé, pers co aspeta, toc y totes, ala preparaziun dal Bato en **sabeda ai 11 de november** dales 15:00 ales 17:00, tal salf de calogna a **San Ciscian**. Prenotaziuns, ☎ 0471 849372.

1 enformaziuns y termins

KVW Senioreclub: en dedemesaledema ai 8 de november ales 15:00 s'encuntun te salf dles manifestaziuns d'Al Plan. Al sará l'apotecer Hans Karbacher co tin en referat sora les medejines. Dedó lites dal consei nò y ciastagnada.

Patrones Mareo: la Uniun dles Patrones Mareo envieia ai 17 de november da jí a Valdaora tla ostaría "Alten Goste" a törggelen. En che sera vegnel ince tigní la sontada generala. Al é da paié 15,00 € a ce y da se prenoté anter i 11 de november pa Verena, ☎ 340 3455675. Bengnüdes é ince patrones co fajess ienn pert dla uniun.

Referat: „I me stá saurí y ciari de me instës/sa – wellness por vigni de“ con Susanne Steidl en jöbia ai 16 de november ales 15:30 a San Martin organisé dal Raiun Sozial Val Badia tal cader dles encuntades dal grup „Atmosfera“. Dertan cösc domisdé este tö tal zenter y to bensté. Te ciafes impuls, co ciaré bun de te enstes/sa tla vita da vigne de. Düc/dötes é der bel enviés/enviades; al ven perié da se prenoté, ☎ 0474 524552.

Udiensa dla defensuria zivica Dr. Gabriele Morandell o de söa vize Dr. Verena Crazzolará, en vendres ai 10 de november, dales 14:30 ales 16:00, te Ciasa de Comun a San Martin. Informaziuns, ☎ 0471 301155, www.volksanwaltschaft.bz.it

**Siamo piccoli e indifesi davanti al mistero della morte.
Però, che grazia se in quel momento custodiamo nel cuore
la fiammella della fede!**

Papa Francesco

Döt le bun a: Carlo Willeit, *Selva* 08.11.1942
y a düc chi co á santennom y compless i agn cöst'edema

Impressum: Ploania d'La Pli; redaziun Franz Rigo y Edith Willeit
Comunicaziuns cina al dedemesaledema sera a Franz Rigo: ☎ 0474 500978 o ✉ ploania@gmx.net
Download plata: www.unitepastoralal.org



Plata dla Ploania
La Pli de Mareo
Santa Maria dal Bun Consei

Ploan: Signor Heinrich Perathoner
E-mail: ploania@gmx.net

Calogna Al Plan: 0474 501006
Radio de Ploania: 93,00 MhZ

UNITÉ PASTORALA



VAL BADIA

www.unitepastoralal.org

Ann A

05.11.2017 - 31. domegna ia por l'ann

n. 50

Dlijia de fredesc y sorus

Mal. 1, 14b – 2, 2b.8–10 | 1 Tess 2, 7b–9.13 | Mt 23, 1–12

Dal Vangelo do San Mateo:

¹Te chel tomp s'á Gejú ô t pormez al popul y a sü discepui ²y á dit: Söle scagn de Mosé s'á sonté i stüdiés dla lege y i farisês. ³Fajede y tignisse a döt ci ch'ai ves dij; mo no stede a s'orienté do ci ch'ai fej; deache ai baia ma, mo ne fej nia aladô. ⁴Ai ciola adöm de gran peisc y ti ai ciaria ala jont söles sciabes, mo enstesc ne n'ôi gnanca mené n deit por i armere. ⁵Döt ci ch'ai fej, fejai ma por che la jont i veighi: ai desleria i cioi de oraziun y arlungieia i batoci pa sü guanc, ⁶pa vigne past da festa oressai le post d'onur y tla sinagoga i pröms posc, ⁷söles strades y söles plazes se lascai ienn salüdé y se fej intitulé rabbi (maester) dala jont. ⁸Os deperpo ne desses nia ves lascé dí rabbi; deache ma önn su é osc maester, os endere seis düc fredesc. ⁹I ne desses gnanca ti dí a degügn söla tera pere; deache ma önn su é osc pere, chel tal ci. ¹⁰I ne desses gnanca ves lascé dí maester, deache ma önn su é osc maester, Crist. ¹¹Le maiú de os dess ester osc sorvidú. ¹²Deache chel co s'inalza enstes, ven arbassé, y chel co s'arbassa enstes, ven inalzé.

I ponsun do

Da de bones relaziuns soziales te familia y tal ambionter encer nos ia nascel ligreza y fortüna. Ai discepui ti ven cöstes relaziuns scincades: Chelbeldio é pere, Gejú é le maester, i discepui é fredesc. Samben ne bastel nia da mantegni chisc rapor ma con parores, mo ince con la disponibilité da daidé. Ince la comunité cristiana dess aldí les parores de Gejú sora la ipocrisia dai farisei!


I periun

Beldio, to Fi t'á sorví te döt. Arjignesse ince nos da sorví te y la jont. Por Crist, nosc Signur.

Wilhelm Egger "Sonntagsbibel"

Letöres dla 32. domegna ia por l'ann:

Sap 6, 12–16 | 1 Tess 4, 13–18 | Mt 25, 1–13



Edema liturgica dai 05.11. ai 12.11.2017

DOM 05.	31. domegna ia por l'ann Domegna dles Animes - De dai Tomés	Zacaria y Elisabeta, Emmerich
08:30	gran messa por dōta la ploania <i>oferta por i debojūgns dla ploania</i>	
10:00	s.m. por i tomés y pordūs te vera, comemoraziun te cortina <i>s.m. a Al Plan</i>	
Lön 06.		Linert, Cristina, Rudolf
07:30	<i>s.m. a Al Plan</i>	
Ded 07.		Engelbert, Ernst, Carina
07:30	s.m. d'aniversar por † Edelberta Costa Hochwieser, Rü s.m. en onú de Santa Maria dal Bun Consei y dai Angeli Custodi s.m. por vis y defonti dal Sartú da Rara	
Dem 08.		Gottfried, Gregor
18:00	<i>s.m. a Al Plan</i>	
Jöb 09.	fešta dla consacraziun dal basilica laterana , Roland	
19:30	s.m. d'aniversar por † Fortunato Agreiter, Alnei s.m. por †† Erlacher, Cargá	
Ven 10.		Leo le Gran, Iustus
07:10	<i>s.m. a Al Plan</i>	
Sab 11.		Martin da Tours, Marina
07:30	s.m. d'aniversar por † Irene Erlacher Pescoll, Plaza s.m. por † Milia Kastlunger, Alnei	
18:00	<i>s.m. prefestia a Al Plan</i>	
DOM 12.	32. domegna ia por l'ann	lósafat, Renato, René, Diego
08:30	gran messa por dōta la ploania <i>oferta por i debojūgns dla ploania</i>	
14:00	funziun dal Bato de Lois Maneschg y Jan Palfrader	
10:00	<i>s.m. a Al Plan</i>	
ampola:	por fam. Comlojer, Lex	
ministronc:	▶ da doman y domegna: Rudi Ellecosta y Matteo Willeit ▶ da sera y domegna: Paul Comploi y Armin Elliscases	



Wir glauben ... die Auferstehung der Toten und das ewige Leben

Welchen Trost kann das Glaubensbekenntnis den Hinterbliebenen geben, die am Grab eines lieben Verstorbenen stehen? Welche Hoffnung lässt sich in diesem Glaubenssatz finden, die in der Zeit der Trauer, der Orientierungslosigkeit und der Ohnmacht Hilfe bieten kann?

Das allerletzte Wort im Bekenntnis heißt Leben - das EWIGE LEBEN. Nicht der Tod hat das letzte Wort, sondern das Leben in Jesus Christus. Jesus sagt nicht, ich habe das Leben. sondern: „Ich bin der Weg, die Wahrheit und das Leben; niemand kommt zum Vater außer durch mich“ (Joh 14,6). Das ewige Leben lässt sich somit nicht loslösen von der Person Jesu Christi. Er, der der Weg ist, führt uns in die Gemeinschaft mit dem Vater. Auferstehung ist die Hoffnung auf ein Wiedersehen und ein Leben ganz und gar in der Gemeinschaft mit Jesu und dem Vater. Das Glaubensbekenntnis ist somit eine Zusage des Glaubens und der Zuversicht, das uns verbindet mit den Christinnen und Christen aller Zeiten und an allen Orten. Es ist ein Bekenntnis der Hoffnung, eine Zustimmung und Bejahung des Lebens!

„Credo - Was unseren Glauben ausmacht“, Bischof Ivo Muser



San Martin



Le partí cristian n'ò pa nia a vigne moda dí taié a mesa jö, fá mez y mez. Al pó pa ben ince ester dé ca, sen, te cösc momont, döt ci ch'i n'adori nia a vigne moda por vire, por che d'atri pói soravire o che ara i vái tan bun co a me. Cösc é ince le messaje dla lionda de San Martin co é corsciüda ete da secui encá tal cör dles porsones.

Ne ponsé nia ma a me enstes, mo partí y fá deboriada con le proscimo: cösta é ince na definiziun por na vita da cristian. Partí é program: en program d'amur y de comunité.



Vita de ploania y de paisc

- **Sontada dal consei de ploania, en lönesc ai 6 de november:** de dla ploania, advent, rorati y festes da nadé
- **Lita dl'Uniun dai Ei y dl'Uniun dles Eres:** al ven motü da jí les lites por renové i conseis dl'Uniun dai Ei y dl'Uniun dles Eres por i proscimi 4 agn. Les zetoles de lita con i ennomns de düc chi/dötes cheres co pó gni lites/litades ven portades tles ciases y é da dé jö **cina en domegna ai 12 de november** tles cassetes motüdes fora aposta te dljia. Düc i ei y dötes les eres (da 35 agn ensö) y düc i omi y dötes les fomenes é der bel enviés y enviades da tó pert.
- **Ocio - Sac dla Caritas:** i sac (da ciáfé sön i picí altés) ven eniann ciariés sö por le Comun de Mareo **a Al Plan (paiun)**. Al ven perié da i dé jö danló **dales 16:00 de en vendres ai 10 de november ales 10:00 de sabeda ai 11 de november**. La Caritas dij damperfora bel iolan!